



**SCAN TO JOIN & FOLLOW US
(WhatsApp Channel)**



NAMAZ -E- QASR KE AHKAAM O MASAIL

Namaz-e-Qasr Kya Hai?

"Qasr" ka matlab hota hai "chhoti karna". Safar mein jab koi musafir hota hai to usay 4 rakat wali fardh (Farz) namazon ko 2 rakat par padhna hota hai — isay Namaz-e-Qasr kehte hain.



Qur'an se Daleel

"Aur jab tum safar mein ho to tum par kuch haraj (Gunaah) nahin ke namaz ko chhoti kar do..."[Surah An-Nisa 4:101]

Hadees se Daleel

Hazrat Ibn Umar (R.A) ke baare mein aata hai:

"Main Allah ke Rasool Allah (SAW) ke saath safar mein tha, aur Aap (saw) safar mein 2 rakat se zyada nahi padhte thay, Abu Bakr, Umar aur Usman (R.A) Bhi yehi karte thay."

Hadees No. 1102 – Sahih Bukhari



Nabi (SAW) ne farmaya:

Yeh Allah ka ek tohfa hai jo usne tumhe diya hai, pas usay qabool karo."

Hadees No. 686 – Sahih Muslim

Musafir Qasr padhta hai – aur Imam bhi

"Rasool Allah (SAW) jab safar mein hotay to 2 rakat padhtay, aur hum bhi unke peechay 2 rakat padhtay."

Hadees No. 1110 – Sahih Bukhari

Safar ki Taqreeban Faasla Kitna Hona Chahiye?



Islamic fuqaha ke nazdeek:

**Agar aap 80 -83 ya us se zyada ka safar kar rahe hain,
to aap musafir kehlayeinge.**

Is se kam faasla mein qasr nahi hai.

Qasr Kab Shuru Hoti Hai?

Jab aap apne sheher ya gaon ki hadh cross kar lein.

**Us waqt se aap musafir hain aur qasr par a'mal shuru
kar sakte hain.**

Qasr ki Namaz Kaise Padhi Jaati Hai?



Farz Namaz jo 4 rakatein hoti hai:

Zuhr – 2 rakat farz

Asr – 2 rakat farz

Isha – 2 rakat farz

Witr, Sunnat, Nafl chhodi ja sakti hain, lekin agar waqt aur taqat ho to padhi ja sakti hain.

Fajr aur Maghrib mein koi kami nahi hoti:

Fajr – 2 rakat farz jaise hain waise hi adaa karen

Maghrib – 3 rakat farz jaise hain waise hi adaa karen



Waqt ki Taqseem Safar Mein

Agar kisi waqt ki ek hi namaz safar mein padhi ja rahi ho to Qasr hogi.

Agar dono waqt ke darmiyan ruk gaye ho (aur irada 4 din ya zyada rukne ka hai) to phir poori namaz padhi jaayegi.

Safar Mein Namazon ko jama karna

Musafir:

Zuhr + Asr ko jama karke padh sakta hai.

Maghrib + Isha ko bhi jama karke padh sakta hai.



Daleel (Hadees):

Sahih Muslim – Hadees 705

Nabi (SAW) ne Zuhr aur Asr ko jama kiya, aur Maghrib aur Isha ko bhi, jab safar mein thay.

Musafir Imam aur Muqem

Agar musafir Imam hai aur muqem log uske peechay hain to:

Imam 2 rakat par salaam pherega

Muqem log khud baaqi 2 rakat पूरी karenge



Agar muqeem Imam hai aur musafir peechay to:

Musafir ko bhi poori namaz padni hogi

Rukne Ki Muddat

Agar kisi jagah par 4 din ya usse zyada rukne ka irada hai to poori namaz padhi jaayegi.

Agar 4 din se kam rukne ka irada hai to Qasr jaari rahegi.

Agar Safar Mein Doubt Ho

Agar shak hai ke faasla 80 - 83 km hai ya nahi:

Aisi surat mein ihtiyat yeh hai ke poori namaz padhi jaye lekin behtar hai ke pehle se hi safar ke faasle ko samajh kar nikle



Extra Masail

Agar safar mein neend aa gayi aur waqt nikal gaya to qaza bhi Qasr ke mutabiq hogi (yaad rakhiye jo shaks Namaz ka paband ho aur uski puri Niyat thi Namaz ki sirf uske liye hi Qaza hai...)

Musafir apni namazon mein azaan bhi de sakta hai lekin iqamat zaroori hai.

Qasr ki namaz mein dua aur tasbeeh bilkul waise hi hai jaise aam namazon mein hoti hai.

NOTE – Pehle ke all PDFS ke liye humare Academy ke WEBSITE me visit karen